


Bosna i Hercegovina
Federacija Bosne i Hercegovine
Kanton Sarajevo



Bosnia and Herzegovina
Federation of Bosnia and Herzegovina
Canton Sarajevo

Općina Stari Grad Sarajevo
Općinski Načelnik

Municipality of Stari Grad Sarajevo
Municipality Mayor

Na osnovu člana 12. Uputstva o načinu dodele pomoći, odabira korisnika i realizaciji projekata za stambeno zbrinjavanje Roma u Bosni i Hercegovini, donijetog od strane Ministarstva za ljudska prava i izbjeglice BiH, dana 14.03.2013. godine, sa izmjenama i dopunama od 01.08.2013. godine i 14.01.2014. godine - Prečišćeni tekst, Općinski načelnik Općine Stari Grad Sarajevo, raspisuje

**JAVNI POZIV
PRIPADNICIMA ROMSKE NACIONALNE MANJINE ZA DODJELU POMOĆI, ODABIR
KORISNIKA I REALIZACIJU PROJEKTA ZA STAMBENO ZBRINJAVANJE ROMA U
OPĆINI STARI GRAD SARAJEVO**

Predmet Javnog poziva je podnošenje prijave pripadnika romske nacionalne manjine za dodjelu pomoći, odabir korisnika i realizaciju projekata za stambeno zbrinjavanje Roma u Općini Stari Grad Sarajevo i utvrđivanje preliminarnog rang liste odabira korisnika koji ispunjavaju uvjete prema Uputstvu o načinu dodele pomoći, odabira korisnika i realizaciji projekata za stambeno zbrinjavanje Roma u Bosni i Hercegovini.

Uslovi koje aplikanti/pripadnici romske nacionalne manjine po ovom Javnom pozivu moraju ispunjavati su: da je pripadnik romske nacionalne manjine, da posjeduje državljanstvo Bosne i Hercegovine i prebivalište na području općine Stari Grad Sarajevo u trenutku podnošenja prijave na javni poziv i neriješeno stambeno pitanje.

Obrazac prijave na Javni poziv, sa izjavom za obradu ličnih podataka može se preuzeti kod sekretara mjesnih zajednica koji će pružiti sve potrebe informacije vezano za ovaj poziv, a isti je objavljen i na web stranici Općine Stari Grad Sarajevo, te se može preuzeti i u šalter sali Općine Stari Grad Sarajevo, ulica Zelenih beretki broj 4.

Popunjen obrazac prijave na Javni poziv sa potrebnom dokumentacijom može se predati lično na protokol Općine Stari Grad Sarajevo ili putem pošte, preporučeno, na adresu Općine Stari Grad Sarajevo, ulica Zelenih beretki broj 4, u zatvorenoj kovčici na kojoj je potrebno navesti napomenu „Prijava na Javni poziv pripadnicima Romske nacionalne manjine za dodjelu pomoći, odabir korisnika i realizaciju projekata za stambeno zbrinjavanje Roma u Općini Stari Grad Sarajevo, za Komisiju za odabir korisnika pomoći za stambeno zbrinjavanje Roma - NE OTVARATI“.

Javni poziv ostaje otvoren 8 (osam) dana od dana objavljivanja, odnosno do 22.02.2022. godine i isti se objavljuje na oglasnoj ploči Općine Stari Grad Sarajevo, web stranici Općine i jednom dnevnom listu.

Kompletan tekst Javnog poziva sa svim detaljima i načinom prijave, kao i načinom bodovanja može se pročitati na web stranici Općine Stari Grad Sarajevo - www.starigrad.ba (javni pozivi, konkursi i oglasi).

Broj: 01-04-4-223/22
Sarajevo, 14.02.2022. godine

**OPĆINSKI NAČELNIK
mr. Ibrahim Hadžibajrić**

Na osnovu čl. 130. stav (2) tačka i) i 132. stav (1) Zakona o visokom obrazovanju („Službene novine Kantona Sarajevo“, broj 33/17, 35/20, 40/20 i 39/21) i Odluke o raspisivanju konkursa za izbor rektora, broj: IUS-SENAT-11-420/22, Internacionalni univerzitet u Sarajevu (IUS), raspisuje

**KONKURS
za izbor rektora Internacionalnog univerziteta u Sarajevu
za mandatni period 2022-2026**

Opis pozicije:

- Za rektora može biti izabran nastavnik u akademskom zvanju redovnog profesora na IUS
- Rektor se bira na mandatni period od četiri godine sa mogućnošću još jednog uzastopnog izbora
- Rektor IUS-a bira se većinom glasova od ukupnog broja članova Senata tajnim glasanjem, uz pribavljenu saglasnost osnivača
- Izbor i imenovanje po konkursu teče od 16.05.2022. godine

Posebni uslovi:

- da je kandidat nastavnik u naučno-nastavnom zvanju redovnog profesora na IUS-u;
- da nema funkciju u izvršnim organima političke partije;
- da je u punom radnom odnosu na IUS;
- da poznaje (aktivno govori) engleski jezik;
- da posjeduje objavljene naučne radove u skladu sa članom 181. Statuta;

Izlaganje programa rada rektora je otvoreno za javnost.

Jednako pravo učesća u postupku izbora rektora imaju domaći i strani državljani.

Uz prijavu na konkurs kandidat prilaže:

- biografiju (CV);
- uvjerenje o državljanstvu ili kopiju CIPS-ove lične karte (ne starije od 6 mjeseci) za kandidate koji su državljani Bosne i Hercegovine, odnosno ovjerenu kopiju prve stranice pasoša za kandidate koji nisu državljani Bosne i Hercegovine;
- odluku o izboru u akademsko zvanje redovnog profesora;
- potvrdu o radnom odnosu sa punim radnim vremenom na IUS-u;
- dokaz o poznavanju engleskog jezika (nije potrebno za kandidate koji posjeduju diplomu jednog od stepena obrazovanja sa univerziteta u državi gdje se nastava izvodi na engleskom jeziku);
- uvjerenje nadležnog organa o nekažnjavanju za krivično djelo;
- ljekarsko uvjerenje o zdravstvenoj sposobnosti (ne starije od 6 mjeseci)*
- potpisana izjava (u skladu sa članom 41 stav 6 Statuta); i
- program rada za mandatni period.

*Ne dostavlja kandidat koji je obavio sistematski pregled u tekućoj akademskoj godini.

Dokumenta se dostavljaju u originalu ili ovjerenoj kopiji.

Konkurs ostaje otvoren 15 dana od dana objave u dnevničkim novinama i internet stranici IUS. Neblagovremene i nepotpune prijave neće se uzimati u razmatranje. Prijave na konkurs sa potrebnim priložima dostaviti, lično ili poštom preporučeno, na adresu: Hrasnička cesta 15, 71210 Ilidža - Sarajevo (sa naznakom: prijava na konkurs za izbor rektora)

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U ŽIVINICAMA
Broj: 33 0 Mal 087124.20 Mal
Živinice, 24.01.2021. godine

OGLAS

Pred ovim sudom u toku je parnični postupak po tužbi tužitelja „Partner“ Mikrokreditna fondacija Tuzla, ul. 15. Maj bb, protiv tuženih Edina Rizvića sin Ibrahima iz Živinica, Stara Pruga i Mehidi Rizvić kći Himze iz Živinica, Stara Pruga bb, radi duga, v.s. 2.310,28 KM, pa kako sud tuženoj Mehidi Rizvić na adresi iz tužbe kao ni na adresu Dubnica - Kalesija, nije u mogućnosti dostaviti tužbu na odgovor to sud shodno odredbama čl. 348. st. 3. Zakona o parničnom postupku FBiH, tužbu na obavezan odgovor dostavlja putem dnevnim novinama Dnevni avaz.

Tužbeni zahtjev tužitelja glasi:
„Obavezuje se tuženi da tužiocu „Partner“ Mikrokreditna fondacija Tuzla solidarno isplate na ime duga iznos od 2.310,28 KM, sa zakonskom zateznom kamatom počev od 07.12.2020. godine pa sve do isplate, te da mu nadoknade troškove postupka sve u roku od 15 dana od dana prijema pismenog opravka presude pod prijetnjom prinudnog izvršenja“.

Predloženi dokazi koje tuženi može preuzeti u zgradi Suda su:
- Ugovor okreditu br. BATZZI-202961-08, otplatni plan - na osnovu ugovora o kreditu, ovjera podataka za sudužnika Medinu Rizvić, pregled stanja duga na dan 07.12.2020. godine.
Sud putem Dnevnih novina „Dnevnog avaza“ dostavlja navedenu tužbu tuženoj Rizvić Mehidi kći Himze na obavezni odgovor koji poučava kako slijedi:

Ovom prilikom pozivamo Vas da u roku od 30 dana dostavite sudu obavezan pismeni odgovor na tužbu u dovoljnom broju primjeraka za sud i protivnu stranu-tužitelja (čl. 70. st. 1. i čl. 62. st. 2. Zakona o parničnom postupku FBiH).

Odgovor na tužbu mora biti razumljiv i mora sadržavati sve ono što je potrebno da bi se po njemu moglo postupiti, a posebno u istom morate navesti:

1. Označenje suda i broj predmeta, ime i prezime, prebivalište ili boravište stranaka i njihovih punomoćnika te predmet spora.
2. Procesne prigovore koje ne možete isticati nakon dostavljanja odgovora na tužbu (npr. Prigovor mjesne nadležnosti čl. 19. st. 1. ZPP FBiH).
3. Decidno se izjasniti da li priznate ili osporavate tužbeni zahtjev.
4. Ukoliko osporavate tužbeni zahtjev dužni ste u odgovoru na tužbu tačno navesti RAZLOGE zbog kojih osporavate tužbeni zahtjev, ČINJENICE na kojima zasnivate svoje navode i dostavite DOKAZE kojima se utvrđuju te činjenice (čl. 71. Zakona o parničnom postupku FBiH).
5. Uz isprave sastavljene na stranom jeziku dužni ste dostaviti ovjeren prevod (čl. 134. st. 2. Zakona o parničnom postupku FBiH).
6. Ukoliko predlažete provođenje dokaza saslušanjem svjedoka dužni ste za svakog svjedoka navesti tačno ime, prezime, ime jednog roditelja, adresu stanovanja, na koje okolnosti predlažete da se svjedok sasluša (čl. 137. st. 3. Zakona o parničnom postupku FBiH).
7. Pismeni odgovor morate osobno potpisati (čl. 334. st. 2. Zakona o parničnom postupku FBiH).

Ukoliko sudu dostavite nerazumljiv i nepotpun odgovor na tužbu sud će Vam isti vratiti u smislu odredaba čl. 336. Zakona o parničnom postupku FBiH.

- Ukoliko u navedenom roku ne dostavite pismeni odgovor na tužbu sud će donijeti Presudu i usvojiti tužbeni zahtjev - Presuda zbog propuštanja (čl. 182. st. 1. Zakona o parničnom postupku FBiH).

NAPOMENA: Dostava se smatra obavljenom protekom roka od 15 dana od dana objavljivanja (čl. 348. st. 4. ZPP-a FBiH).

Sudija
Asmir Karić

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO NERETVANSKI KANTON
OPĆINSKI SUD U MOSTARU
Broj: 58 0 Mal 250040 21 Mal
Mostar, 03.02.2022.godine

Općinski sud u Mostaru, sudija Šejla Gušić, u pravnoj stvari tužioca Sparkasse bank d.d. Bosna i Hercegovina, koju zastupaju advokati iz ZAK Kebo&Guzin, iz Mostara, protiv tuženog Perica Drlji, iz Mostara, Donja Jasenica bb, radi duga, vsp. 1.094,87 KM, na osnovu čl. 348. st. 3. i st. 5. Zakona o parničnom postupku FBiH („Službene novine“ FBiH br. 53/03, 73/05 i 19/96) (u daljem tekstu skraćeno ZPP FBiH), objavljuje slijedeći:

OGLAS

Tuženom Perici Drlji dostavlja se na obavezni odgovor tužba s priložima tužioca zaprimljena u ovom sudu dana 22.10.2021. godine s tužbenim zahtjevom koji glasi:

„Tuženik je dužan isplatiti tužiteljici:
- iznos od 537,03 KM kojeg čini iznos glavnog duga od 480,00 KM i iznos od 57,03 KM na ime obračunate redovne-ugovorene kamate, uvećano za zatezne kamate po stopi propisanoj zakonom za vrijeme od 15.10.2021. godine do konačne isplate.
- 477,34 KM na ime obračunate zakonske zatezne kamate na dospjelu, a neplaćenu naprijed navedenu glavnici i dospjelu, a neplaćenu naprijed navedenu ugovornu-redovnu kamatu po zakonskoj zateznoj kamatnoj stopi za prihod od 09.01.2018. godine kao dana dospjeća naprijed navedenog potraživanja na naplatu do 14.10.2021. godine kao dana obračuna.
- 80,50 KM na ime naknada za vrijeme od dana podnošenja tužbe do konačne isplate, sve navedeno uz plaćanje troškova prouzrokovanih vođenjem parničnog postupka u roku od 30 dana i pod prijetnjom izvršenja“.

Obavještava se tuženi da se dostava pismena smatra obavljenom protekom roka od 15 dana od dana objavljivanja ovog pismena u dnevničkim novinama i na oglasnoj tabli Suda te da priloge dostavljene uz tužbu može podići u zgradi Suda.

Obavještava se tuženi da je, na osnovu člana 70. stav 1. ZPP-a, dužan najkasnije u roku od 30 dana dostaviti Sudu pismeni odgovor na tužbu.

Odgovor na tužbu mora biti razumljiv i sadržavati: oznaku Suda, ime i prezime, odnosno naziv pravnog lica, prebivalište ili boravište, odnosno sjedište stranaka, njihovih zakonskih zastupnika i punomoćnika, ako ih imaju, predmet spora, sadržaj izjave i potpis podnosioca (član 334. ZPP-a).

U odgovoru na tužbu tuženi će istaknuti moguće procesne prigovore i izjasniti se da li priznaje ili osporava postavljeni tužbeni zahtjev (član 71. stav 1. ZPP-a).

Ako tuženi osporava tužbeni zahtjev, odgovor na tužbu mora sadržavati i razloge iz kojih se tužbeni zahtjev osporava, činjenice na kojima tuženi zasniva svoje navode, dokaze kojima se utvrđuju te činjenice te pravni osnov za navode tuženog (član 71. stav 2. ZPP-a).

Tuženi može u odgovoru na tužbu, a najkasnije na pripremnom ročištu, podnijeti protutužbu (član 74. stav 1. ZPP-a).

Ukoliko tuženi, kome je uredno dostavljena tužba u kojoj je tužilac predložio donošenje presude zbog propuštanja, ne dostavi pismeni odgovor na tužbu u zakonskom roku, Sud će donijeti presudu kojom se usvaja tužbeni zahtjev (presuda zbog propuštanja), osim ako je tužbeni zahtjev očigledno neosnovan (član 182. stav 1. ZPP-a).

Odgovor na tužbu s priložima predaje se Sudu, u dovoljnom broju primjeraka za Sud i protivnu stranu, pozivom na broj predmeta.

Sudija
Šejla Gušić